




Republika e Kosovës / Republika Kosovo / Republic Of Kosovo

REPUBLIKA E KOSOVËS
REPUBLIKA KOSOVO
KOMUNA E RAHOVECIT - OPŠTINA ORAHOVAC
Drejtoria për Arsim
Odeljenje za Obrazovanje
Department for Education



-IV- Nr. i prot. 132
Br. prot. Dt. 17.05.2018
RAHOVEC - ORAHOVAC

Informatë për sigurinë në shkolla të komunës së Rahovecit

Të nderuar anëtarë të Kuvendit të Komunës!

I nderuar Kryesues i Kuvendit të Komunës z. Afrim Dina!

I nderuar Kryetar i Komunës z. Smajl Latifi!

Të nderuar Drejtorë të Drejtorive Komunale!

Të nderuar qytetarë të komunës së Rahovecit!

Që nga fillimi kur unë jam emëruar në detyrën e drejtorit të Drejtorisë Komunale për Arsim, jam përkushtuar që punët në këtë sektor mjaft të rëndësishëm të fillojnë të ecin mbarë. Fillimisht, kam mbajtur takimin e parë me drejtorët e të gjitha shkollave dhe gjëja e parë që kam kërkuar nga ta është respektimi i orarit të punës, në radhë të parë nga drejtorët e shkollave, e pastaj edhe nga mësimmshënësit dhe edukatorët. Pastaj, për t'u siguruar për gjendjen fizike dhe infrastrukturore të shkollave, në një interval kohe prej më pak se 3 javësh kam vizituar të gjitha shkollat e komunës sonë.

Gjatë kësaj periudhe prej 4 muajve kemi organizuar aktivitete të ndryshme me nxënës e mësimmshënës, siç ishin manifestimet kulturore dhe artistike për festën e 10 vjetorit të pavarësisë së Kosovës, konkurset letrare, garat në lëndën e Historisë, garat në Fizikë dhe në shkencat tjera të natyrës, garat në prozë e poezi, garat në recitim, manifestimet për 7 Marsin - Ditën e Mësuesit, Manifestime për Ditën e Librit, Manifestimet për Ditën e Tokës dhe aktivitete të tjera të shumta.

Me një fjalë, gjatë këtyre 4 muajve kemi patur një varg aktivitete, në të cilat nxënësit dhe mësimmshënësit e shkollave tona ishin me një pjesëmarrje mjaft të madhe dhe ishin pjesë e aktivizmit qytetar. Përveç këtyre aktiviteteve, ne kemi organizuar e mbajtur edhe debate të hapura me nxënësit, mësimmshënësit prindërit dhe shoqërinë civile! Nga këto debate mund të

themi se është shtuar vullneti shoqëror për të bërë ndryshime pozitive të gjendjes së sistemit arsimor në komunën tonë!

Siguria në shkolla është një çështje e rëndësishme që duhet trajtuar. Kjo çështje është e lidhur ngushtë me vijueshmërinë e nxënësve në shkolla. Nxënësit tanë, e sidomos ata të klasave të larta dhe të shkollave të mesme të larta, në qoftë se nuk vijojnë mësimin rregullisht janë të ekspozuar ndaj dukurive negative me të cilat mund të përballen jashtë hapësirave shkollore.

Në shkollat filllore dhe të mesme të komunës sonë, sipas shënimeve më të fundit që disponojmë kemi 10625 nxënës. Në fund të gjysmëvjetorit të parë të këtij viti shkollor, nga statistika e mungesave kemi nxjerrë këto të dhëna:

- ❖ Në ciklin e ulët të arsimit fillor, klasat I – V, numri i përgjithshëm i mungesave është 20720.
- ❖ Në ciklin e lartë të arsimit fillor, klasat VI-IX, numri i përgjithshëm i mungesave është 28796, edhe pse numri i nxënësve është më i vogël se sa në ciklin e ulët.
- ❖ Në Shkollat e Mesme të Larta , klasat X-XII, numri i përgjithshëm i mungesave është 64360 mungesa, numër ky që është gati trefish më i madh sesa në ciklin e lartë të arsimit fillor, e që në mesatare i bie që secili nxënës për një gjysmëvjetor ka bërë 28 mungesa të arsyeshme dhe të pa arsyeshme.

Nga këto të dhëna, është vënë re se vijueshmëria e nxënësve, sidomos në klasët e larta dhe në Shkollat e Mesme të Larta është nën çdo nivel. Për këtë arsye, DKA ka filluar të marrë masat e duhura administrative, duke u bazuar edhe në rregulloret dhe udhëzimet administrative. Kemi formuar një komision të veçantë për verifikimin dhe evidentimin e mungesave të nxënësve dhe mësimdhënësve nëpër 3 SHML – të dhe në SHMLP. Komisioni ka kryer punën për të cilën është ngarkuar dhe ka hartuar një raport detal të vijueshmërisë së nxënësve dhe mësimdhënësve. Pasi kemi analizuar këtë raport, kemi ndërmarrë masa për të përmirësuar gjendjen e sigurisë dhe për të rritur vijueshmërinë në procesin edukativo-arsimor.

Përveç këtyre veprimeve, ne kemi analizuar gjendjen e sigurisë në shkolla edhe në debatin e organizuar nga DKA, në bashkëpunim me Qendrën Rinore, me Shërbimin Policor të Kosovës, DKRS-në, me njohës të fushës së arsimit, me Këshillat e Prindërve dhe Këshillat e nxënësve.

Nga ky debat dhe nga angazhimet e drejtpërdrejta me drejtuesit e shkollave, ne kemi nxjerrë disa rekomandime për të përmirësuar gjendjen e sigurisë në shkolla. Këto janë:

- ❖ Të shtohet prezenca e policies në rrugët pranë objekteve shkollore, sidomos në kohën e drekës dhe në mbrëmje, kur mbaron ndërimi i paradites, respektivisht i pasdites;
- ❖ Të shtohet kontrolli i inspektoratit dhe policisë në lokalet hoteliere pranë shkollave;
- ❖ Të shqyrtohet mundësia e angazhimit të sigurimit privat dhe vendosja e kamerave në shkolla;
- ❖ Të rritet komunikimi ndërmjet mësimdhënësve, nxënësve dhe prindërve;

- ❖ Të rritet performanca e mësimdhënësve në mësim;
- ❖ Angazhimi i pedagogëve dhe psikologëve në shkolla;
- ❖ Organizimi i debateve dhe ofrimi i ndihmës/këshillave nxënësve që kanë nevojë;
- ❖ Përmirësimi i infrastrukturës shkollore (banka, karrige, mjete konkretizimi);
- ❖ Organizimi i aktiviteteve jashtëshkollore për edukimin e të rinjve/socializimi
- ❖ Eliminimi i konsumimit të duhanit, alkoolit dhe eventualisht substancave narkotike në hapësirat shkollore;
- ❖ Kodi i veshjes në shkolla (të vlejë për nxënës dhe mësimdhënës)
- ❖ Takime të rregullta (obliguese) të këshillit të shkollave, këshillit të prindërve dhe nxënësve;
- ❖ Të rritet niveli i higjienës në shkolla;
- ❖ Mospërdorimi i telefonave gjatë kohës së mësimit (të vlejë për nxënës dhe mësimdhënës);
- ❖ Angazhimi periodik i ekspertëve të jashtëm.

Me zbatimin e këtyre rekomandimeve dhe me harmonizimin e tyre me udhëzimet administrative të hartuara nga Ministria e Arsimit, Shkencës dhe Teknologjisë, synojmë që të përmirësojmë jo vetëm gjendjen e sigurisë në shkolla, por edhe të rrisim cilësinë e arsimit në komunën tonë.

Për t'i arritur këto synime, nevojitet një angazhim, përkushtim dhe koordinim i gjithmbarshëm i të gjithë neve.

